

SARS YI RHURHERILE NHLENGELETANO YA KHOMIXINI YA PHOLISI YA WCO YA VU 91 ECAPE TOWN,

Cape Town, 6 N'wendzamhala 2024. Vukorhokeri bya Xibalo bya Afrika-Dzonga (SARS) byi rhurherile hi ku tinyungubyisa Nhlengeletano ya Khomixini ya Pholisi ya Nhlangano wa Khasitomo wa Misava ya vu 91 eCape Town. Nhlengeletano leyi a ku ri goza eka vaaki va khasitomo va misava. Nhlengeletano leyi a yi languteriwile swinene yi hlanganisile switivi na varhangeri va khasitomo ku suka emisaveni hinkwayo ku tirhana na mitlhonthlo leyi cincaka ya nxaviselano wa misava na ku vumba maendlelo ma khasitomo lama ha taka.

Ku vulavula eka ku pfula, Khomixinara wa SARS Edward Kieswetter u hlamuserile WCO tanihi "xihatlisisi xa ncinco". U tiyisisile nkoka wa ntwanano na ntiyiselaswiyo eku tluteni ka mbangu wa namuntlha wa nxaviselano wa misava wo phasaphasana. U lemukile leswaku ntirhisano na vuantswisi swi na nkoka ku kotisa vulawuri bya khasitomo ku hetisisa xiave xa byona xa nkoka eku fambiseni ka nxaviselano loko byi ri karhi byi sirhelela vuhlayiseki na vutlandzelelanawu.

Ajenda ya nhlengeletano yi angarherile timhaka to hambanahambana ta xihatla, to fana na mfambiso wa nxaviselano; ku lwa na mbhasiso wa mali lowu fambisiwaka hi vuxavisi; vuendlaximodeni eka tisisiteme ta khasitomo; no hlanganisa tithekinoloji to ndlandlamuxa to fana na vutlharinkantumbuluko na *blockchain* (tshakuswitiviwa ra dijitali).

Ku vi le xikongomiso xo karhi eka Khasitomo ku ringanisa xileriso xo tlhontlha xa (1) mfambiso wa nxaviselano (Vukorhokeri), (2) nsindziso wa milawu ya hina ya khasitomo; (3) nsirhelelo wa vaaki eka tinhundzu ta nghozi na leti nga riki enawini, na engetelo wa xihatla wa misava wa milandzu ya khasitomo na xibalo xa Ntlulandzelekano na mbhasiso wa mali lowu fambisiwaka hi Vuxavisi

Varhumiwa va ngenelerile eka mikanelo leyi humeleleke ku valanga switchunxo swo antswisa vuswikoti, vuvonikeri na vutihlamuleri eka mitirho ya khasitomo. Nhlengeletano yi tlhele yi kombisa nkoka wa nhlayiso wa nkarhi wo leha eka maendlelelo ma khasitomo, laha varhumiwa a va kongomisile eka ku kotisa maendlelo ma nxaviselano ma rihlaza no longoloxa na swikongomelo swa maxelo ma misava. Ntshikelelo lowu eka vutihlamuleri bya mbangu wu kombisa vutinyiketeri eka ku ringanisa nkulo wa ikhonomi na nhluvukiso wa nkarhi wo leha.

Afrika-Dzonga ri kombisile vurhangeri bya rona hi ku rhurhela mikanelo ya matlhelo mambirhi na vulawuri bya xiyimo xa le henhla, ku katsa na *Canada Border Services Agency* na *Central Board of Indirect Taxes and Customs of India*. Goza a ku ri sayiniwa ka *Authorised Economic Operator Mutual Recognition Arrangement* exikarhi ka SARS na *Hong Kong Customs*, ku

tiyisa vuhlayiseki bya mafambelo ya nhundzu na vukorhokeri no ndlandlamuxa mfambiso wa nxaviselano.

Tanihileswi Nhlengeletano ya Khomixini ya Pholisi ya WCO ya vu 91 yi hetisiweke, mivono na switshunxo leswi averiweke eCape Town swi endliwile leswaku swi vuyeleriwa entlulweni wa mindzelekano. Vulawuri bya Khasitomo sweswi byi longisiwile ku antswa ku tolovela eka mbangu wa nxaviselano lowu cincaka hi xihatla lowu fambisiwaka xidijitali na mafambelo ya nhundzu na vukorhokeri ya misava leyi hlangananisiweke.

Khomixinara wa SARS Ttn Edward Kieswetter u tiyisisile leswaku "khasitomo yi tlanga xiave xa nkoka eka mfambiso wa nxaviselano ku nga ri ki titirhela kambe ku humesa vanhu eka vusweti, ndlala na vupfumalantirho, leswi khumbaka matiko lama ha hluvukaka hi la ku kulu. Hi ndlela leyi faneleke, ku lawula thekinoloji ku tiyisisa ntshukotshuko wa tinhundzu wo rhelela exikarhi ka mindzilekano swi fanele swi fikelerisa eka nkucetelo wo khomeka eku cinceni ka vutomi bya vanhu. Khomixini ya Pholisi yi hi nyikile nkarhi wo endla vuhoxaxandla byo khomeka no fambisa ndlela ku ya emahlweni."

SARS yi tshama yi tiyimiserile ku fambisa vuantswisi, ku yiseka emahlweni, na ntirhisano eka nxaviselano wa misava. Nhlengeletano leyi yi tiyisisile hi vuntshwa xiave ka nkoka xa khasitomo eku hlayiseni ka nkulo wa ikhonomi no aka sisiteme ya misava yo sirheleleka, katsa, no tiyisela.

Xitatimente xa WCO eka hetisiso wa Khomixini ya Pholisi ya vu 91:

<https://www.wcoomd.org/en/media/newsroom/2024/december/91st-session-of-the-wco-policy-commission-concludes-in-cape-town.aspx>

Mayelana na vuxokoxoko hi xitalo, u komberiwa ku tihlanganisa na:

SARSMedia@sars.gov.za